

SIMON PEDRO TAPUNAGUNAHUAN ESTUDIANA

Capítulo 4

Pastaza Quichua

1.986

Tucuchina punzha _____
(punzha - quilla - huata)

Ñuca shuti _____

Capítulo 5ta munani mas yachangahua _____

CAP.4**JUCHATA SAQUIC RUNA**

1. Manachu Jesucristo runa cuinta aichayuc asha turmintarishca. Canguna chasnallata turmintarina tiyacpi ama manzharinguichichu. Maican runa turmintarisha tiyash jucha ranata saquishcami. 2. Chi runa ñuca causaigama Diospa munaita tucui uras rashami nin. Paiba aicha munashcata mana uyanzhu, paiba aicha munashcata ranata mana munanzhu. 3. Diosta mana uyacguna munashca cuinta mana alita ranagunataga cangunas ñaupallata amicta rashcanguichimi. Ñaupaga canguna aicha munashcata rashcanguichimi, ashisha shughuan juchata rashcanguichimi machashcanguichimi, yapacta micusha upisha causashcanguichimi. Dios mandashcata mana uyasha runa rashca dioscunata balichisha mañacguna ashcanguichimi. 4. Cunan canguna tucui chi juchata rasha causanata saquisha, mana paigunahuan puricpi chi tunu juchata rauc runaguna ricush rimangauna imaraiguta ñaupacuinta mana ñucanchihuan puriunguna nisha. Chasna cangunata piñasha rimangauna. 5. Chasna rimacpi cunan ama llaquiringuichichu. Taripana punzhaibimi tucui paiguna rashcagunata rimashcagunatahuas rimangauna. Chi tunuta rashcagunamanda taripashca tucungaunami. Causac runaguna, huañushca runagunahuas Diospacpi huin shayarisha rimangaunami. 6. Chiraigu Jesucristo quishpichina shimita chapau huañushca runaguna camachingahua rira. Paiguna aicha huañushca ashallata pa a alma Dios causashca cuinta huifñai causaringahua camachishcaguna anaaura.

Tapunaguna 4.1-6

v. 1 Jesucristo runa cuinta aichayuc asha turminterishcachu
ara. _____

1 Nucanchi turminterishcamanda imata tucun. _____

v. 2 Chi turminterig runa imata nin. _____

2 Chi turminterig runa imatata mana uyan. _____

v. 3 Canguna imatata ñaupá rashcanguichi. _____

v. 4 Imaráiguta mana quiricguna cangunata piñanaun. _____

v. 5 Imaráiguta ama llaquiringuichichu nisha rimara Pedro.

5 Maican runagunata Diospacpi rimanaunga. (1) _____

(2) _____

v. 6 Jesucristo huañushca runagunama camachicpi chi
huañushcaguna

quirisha imata tucura paiba alma. _____

JESUCRISTO MAYANYAMUNATA YUYARISHA CAUSAICHI

7. Tucuigunami ñalla tucuringa raunguna. Chiraigu alita yuyarichi, ama nusparichichu, Diosta mañasha causaichi. 8. Maspas yapa llaquinacusha causaichi. Chi llaquinaga ashca juchata pasachin. 9. Llaquishcahuan ama mitsaushallata shucgunata camba huasima cayaichi carangahua upichingahua. 10. Dios ñucanchima ashca yuyaita cun ñucanchi pura alita rangahua. Pai caran amuta chicanda cushcami shucgunata yanapangahua. Ña pai canda cushcahuan chi shimita Dios yuyachishca cuinta yachachi. Can yanapacasha Dios cushca ushahuan shucunatas yanapai. Tucuita rai Jesucristomanda Diosta balichishca tucuchun nisha. Tucui Runaguna paita yapa balichinauchun, paiba ushaiga huiñai huiñaigama tiyanmi.

Tapunaguna 4.7-11

v. 7 Tucuíguna ñalla tucuringa raupi imasata causaichi nira.

(1) _____

(2) _____

(3) _____

v. 8 Chasnallata ima mastata nira. _____

8 Chi llaquinaga imatata pasachin. _____

v. 9 Imasa yuyaimanda shucgunatas cayangui. _____

v. 10 Imangahuata Dios ñucanchima ashca yuyaita cushca.

(1) _____

(2) _____

10. Imatata mandara Pedro. _____

v. 11 Can yanapac ashaga imasata yanapangui. _____

11 Dios cushca rana rasha imangahuata raichi nira. _____

Yuyarisha quillcai: v.7 Cai mundo imata tucunga. _____

v.11 Diospa ushaiga masna unaitanga. _____

Chasna yachasha imata yuyaringui, maicanda catisha ningui.

QUIRISHCAMANDA TURMINTARINCHI

12. Casna yuyarichi, llaquishca quiricguna. Dios turmintarinata cun canda camangahua. Chasna turmintariushcai imaraiguta turmintariuni nisha ama llaqurisha yuyaringuichichu. Ñucanchiga turmintarinami anchi. 13. Ama cungaringuichichu Jesucristohuas turmintarishami causashca. Ña canguna paimanda turmintarishaga pai cuinta anguimi. Chita yuyarisha turmintarishas cushiyaichi. Huasha pai apu ashcata ricusha yapa cushi tucunga raunguichi. 14. Canguna Jesucristo runa ashcamanda shucguna cangunata yapa jiridsa rimanaupi cushiyaichi Diospa sumac Espfritu cangunahuacpi tiyaushcamanda. 15. Randi canguna ama juchata rangahua yuyarisha causaichi. Runata huanchishas, shuhuashas, mana alita rashes, yanga satiri siqui ashes, sirtupacha chi runa turmintarishca tucunga. Cangunaga ama chi samigunata rashachu turmintaringuichi. 16. Randi canguna quiric ashcamanda paiguna asisha banjilio runaguna anguichi nisha turmintachicpi ama manzharinguichichu. Jesucristoba runa ashcamanda turmintarisha ama manzharisha Diosta pagrachu niusha alabaichi.

17. Dios paiba runagunata camana uras pactarishcami. Turmintachishcahuan ñucanehita camaun. Randi Diospa shimita mana uyacgunaga imata tucunaunga. Yapa taripasha libachishca tucungaunami. 18. Dios munashcata raccuna turmintarinata ahuantasha quishpichishca tucucpi chi juchata raucgunaga imachari tucungaunga. 19. Dios munashcamanda turmintaricunaga alita rasha causaichi. Chasna causacpi tucuita rac Diosta, paiba quiquin shimita pactachic Diosta, canguna causaita cuichi pai cangunata cuirangahua.

v. 12 Imangahuata Dios ñucanchita turmintarinata cun. _____

12 Ñucanchi turmintariushcai imatata mana yuyarina. _____

v. 13 Jesucristo turmintarisha causashcachu. _____

13 Imamándata Jesucristo cuinta anguichi. _____

13 Imañandata canguna yapa cushi tucunguichi. _____

v. 14 Canguna Jesucristoba runa ashcamanda shucguna cangunata
yapa jiridsa rimanaupi imamándata cushiyaichi nira.

v. 15 Ima mana aligunata rashata turmintarishca tucunguna.

(1) _____ (2) _____

(3) _____ (4) _____

15 Canga imasa causana tangui. _____

v. 16 Jesucristoba runa ashcamanda turmintariushcai manzharina
randimanda imata ranata. _____

v. 17 Imahuanda Dios ñucanchita caman. _____

Diospa shimita mana uyacgunaga imata tucunaunga. _____

v. 18 Ñucanchi Dios munashcata raucuna imasta quishpichishca
tucunga. _____

v. 19 Ima tan Dios. (1) _____

(2) _____

19 Imangahuata camba causaita cuichi nira. _____

19 Pitata alita rasha causaichi nira. _____

Yuyarisha quillcai: Cai capitulota ricusha imasta yuyaringui
ima tunu turminta tucucpi. _____